

# Stiemwada, jefroarna Rääjen, un less Storms

## Äwasecht

Stiemwada, jefroarna Rääjen, stoakja Wint, un stiemrich Schnee kaun haustich bilden un daut Läden un Goot batem Jefoa brinjen. Strenja Storms komen ieremol äwaraul Alberta äwa, un see kjenn onbestendich senn wan dee buta daut jeweenelja Joarestiet passieren.

## Sie reed

Persoonen un Famieljes selle reedsennen toom fa an selfst fa weens 72 Stund sorjen. Disse nokomenda Stooopen woaren die halpen een väabedochta Plon reedmoaken.

- **Vesto de Jefoaren:** Bewust haben om de Jefoaren kaun die un dien Aunveleewde halpen reedsennen fa de Onväasechtichkeit.
- **Moak een Plon:** Een Plon reed haben woat die halpen de Sorjen von een Nootfaul ooda Onjlekj bäta hendlen.
- **Stal een Tausch toop:** Met een Poa eefacha Stooopen näm kaus du daut baste reedsennen toom een Rieej Nootfal bejäajnen. Sie secha daut diene Tausch een Batrie-Paur/Krenkj jerant Radio/Licht haft, ooda [Weatheradio](#) wan daut Häadrot oppeenst utjeit.

Finj ut wua diene Nobaschoft Informazion aunmalden un oppfreschen woat wäarent een Nootfaul, un moak secha du deis de [Alberta Emergency Alert](#) app em Foon downloading soo daut du kjrietisch un Läden-schoonent Norechten kjrieech.

Wan Menschen so goot aus mäajlich verhäa reedsennen, daut erlaubt de leescht Be'aumta, so aus de Polizei, Fiawäa, un Krankenwoagen (ambulance), äa Ziel no de Nootfal handreien un vesorjen de jaanje uttohalpen wua daut daut needichsta fällt.

## Stiemwada un stiemrich Schnee

Een [Stiem Woamunk](#) woat rutjeschekjt wan daut väajesecht es daut et fa 4 ooda mea Stund schnieen ooda stiemmen saul, toop met Wint waut 40 Kilomeeta de Stund pusten deit, un veropp seenen woat jeweenlich vekjlandat to 400 Meeta ooda weinja.

Een [stiemrich Schnee berot](#) woat rutjeschekjt wan daut erwarten es daut et fa 3 ooda mea Stund stiemrich schnieen kunn, toop met Wint waut 30 Kilomeeta de Stund pusten

deit, un veropp seenen vekjlandat woat to 800 Meeta ooda weinja.

## Stiemwada Tautsachen

- Stiemwada kaun väakomen wan de Himmel kloa es.
- En wiet opna Omjäajenden, stiemrich Schnee ooda Stiemwada kaun meenen daut veropp nuscht to seenen wudd senn!

## Rot toom een Stiemwada derchläden

- Wan du butarem Darp woons un Stiemwada ooda stiemrich Schnee Väaberecht es, du muchst een Strank wellen brucken toom tweschen dien Hus un irjents aundra Jebieda aunbinjen wua du wuddst no han gonen motten wäarent de Storm.
- Hool dien Reispsons to äwadach Stunden un sajcht jeemaunt dien Reispsons un wanea du Plons autokomen.

**Wan du enwoascht daut du em Foatich stääkjenblifts wäarent een strenja Storm, bliew beruicht! Bliew em Foatich benn, doo de Moota bie'aun andreien, un pauss no de Ruak opp vom Foatich. Bewoakt de Mofla daut et nich toojestopt woat, un lot eendrajchtich freschen Loft em Foatich nenn.**

## Jefroarna Rääjen un less Storms

**Jefroarna Rääjen** es Rääjen waut ieescht derch een Schicht woamen Loft felt, em een aundra Schicht iesskolda Loft doarunja, (unja 0° Celsius), un dan aun irjents Plaza ooda Städen em de kolda Loft naunfrieren deit un bilt een Bildunk opp aun aules waut et aanschieet. Dit es "glaze ice", ooda, "be'iesen" jenant.

Een **less Storm** passiet wan ernea väl less Rääjen fa miere Stund dieren saul. Dit kaun uk Wint, less Näwel, un kolda Groden metentalen.

## Jefroarna Rääjen un less Storms Tautsachen

- Jefoarna Rääjen kaun Schoden aungonen derch een schwoara Lod moaken wua'emma daut less naunfrieren un formen deit. Schoden vom jefroarna Rääjen kaun ernea strenj senn wäarent een less Storm.

- Soogoa een Niecej Somm jefroarna Rääjen kaun de Wääj rauzent glaut moaken.
- less vom jefroarna Rääjen kaun aun irjents een Städ naunfrieren un oppbuen, un daut moakt de Footstiej sea jefäadlich fa dolfaulen ooda jlipsen.
- Em een less Storm, de Jefoa vom jefroarna Rääjen kunn aunwäsent bliewen fa miere Stunden, ooda soogoa Doag no waut de Rääjen haft oppjehiet met faulen.

### Rot toom jefroarna Rääjen un less Storms derchläwen

- Wää vom foaren wan jefroarna Rääjen Väaberecht es.
- Wajcht atelje Stunden no waut de Storm oppjehiet haft om Wajchoabeida jenuach Tiet jäwen toom de schljachta Wääj äwanämen un reinmoaken.
- Wan mäajlich, wää von rutgonen. Wan daut ooba blooss nich mäajlich es, bruck rauzent Väasecht.
  - Pauss opp no Dräd, groote Schichten less aun Jebieda, Beem Asta, ooda Häadrot Lienen bowenäwa waut opp eenmol haustich loossbrääkjen ooda faulen kunn.
- Niemols een Häadrot Lien aanschieren – du kunst ellektrisch vebrent woaren.

### Rauzent kolt

Em Alberta, een [Rauzenda kolt Woarnunk](#) woat rutjeschekjt wan daut erwarten es daut de Loft 40 Grod unja null ooda kolda woaren saul, ooda de [Wint Kjill Rejista](#) 40 Grod unja null ooda kolda es.

### Rauzent kolt Tautsachen

- Soone läajre Groden kjenn väakomen derchut de Winta Moonaten, äwarut vom Aunfank Dezamba batem Enj Feebawoa.
- Rauzent kolt mucht väakomen met aundra Wada toop, soo aus Stiemwada, less Storms, ooda less Näwel, un väastalen de Jefoa om vefrist to woaren ooda hypothermia to kjrieen. (Hypothermia es wan dien Kjarpa fa too lang kolt jewast es un nich oppwoamen kaun, dan kjenn dien Hoat, diene Narfen un aundra Kjarpadeel nicht normal schaufen).
- less Näwel kaun väakomen em Groden waut läaja aus 30 unja null senn derch de fiena less Schroot waut em Loft

es. less Näwel kaun haustich formen un de Jelääjenheit veropp to seenen raufbrinjen to meist nuscht.

### Rot toom rauzent kolt derchläwen

- Wäärent daut rauzent kolt es, bliew benn un proow woam to bliewen.
- Wan jie ooba motten rutgonen, dan bruck de aunstendja Kjleedie doafää, un sie väasechtich daut jie junt nich äwa'oabeiden doonen.

### Fienansiella reedjemoakt

- Räd met een Inschurens Ajent om dien perseenelja Nooten.
- Vesto diene Inschurens Rajchtschnua. Moak secha dien Heim, Foatich, Jeschaft, un Hab-un-goot beschitz woat.
- Wan mäajlich, denkj aun een Nootjelt Rääkjunk to haben soo daut du oppverieescht Onkosten tolen kaus wiels du utem Heim best.
- Wan du kaust, hool waut Nootjelt hendich fa wan de Bank oppeenst nich loossbandich es.
- Wan du vom Tus rutjeriempt woascht, hool aul Ressiets toop von irjent bowenäwa Onkosten.
- Schriew een [omstendlich List](#) dol vom aul dien Hab-un-goot.
- Vesto de [7 Stopen](#) toom een aunieejnen moaken vom dien Heim Inschurens.

De Insurance Bureau of Canada es reed diene froagen be'autowuaten. Schriew an derch email aun bie [askibcwest@ibc.ca](mailto:askibcwest@ibc.ca) ooda foon an bie 1-844-227-5422. Fa mea Informazion om diene Inschurens aunjereet haben, sieekj aun dissen website: [ibc.ca](http://ibc.ca).

## Fa mea Informazion

Läs onse aundra Tautsach Boages aun:

- Iernsthauf Owwada
- Kjrieselstorms (Tornado)
- Jewittastorm, blitzten, un Hoagel

Du kaust mea Informazion finj om aunjereet senn derch [Alberta.ca](http://Alberta.ca), ooda aun Environment and Climate Change Canada.